



Trg pravde 10, 76100 Brčko distrikt Bosne i Hercegovine; tel: 049/217-955; fax: 049/235-070; mail: pkbd@pkbd.ba
Трг правде 10, 76100 Брчко дистрикт Босне и Херцеговине; тел: 049/217-955; факс: 049/235-070; е-пошта: pkbd@pkbd.ba

Broj: SuPK-00-909/26-I
Brčko, 3. 7. 2026. godine

ZAPISNIK
sa 281. redovne sjednice Pravosudne komisije Brčko distrikta BiH
održane 3. 7. 2026. godine, u 08.30 sati sa sljedećim

Dnevni m redom

1. Usvajanje zapisnika sa 280. redovne sjednice Pravosudne komisije Brčko distrikta BiH;
2. Odluka o davanju saglasnosti na Pravilnik o izmjenama i dopunama Pravilnika o unutrašnjoj organizaciji i poslovanju Kancelarije za pravnu pomoć Brčko distrikta BiH, broj: Ku-158/26 od 25. 6. 2026. godine;
(izvjestilac: Rade Mitrović)
3. Donošenje odluke o imenovanju sudskih policajaca u Sudskoj policiji Brčko distrikta BiH, na neodređeno vrijeme, 4 (četiri) izvršioca;
(izvjestilac: Rade Mitrović)
4. Zaključivanje ugovora o obavljanju volonterskog rada u Osnovnom sudu Brčko distrikta BiH;
(izvjestilac: Rade Mitrović)
5. Donošenje rješenja o prestanku radnog odnosa Gordani Janković, operateru - referentu zemljišno - knjižnih - poslova u Osnovnom sudu Brčko distrikta BiH;
(izvjestilac: Rade Mitrović)
6. Rang lista sa preporukom za izbor stručnog saradnika u Pravosudnoj komisiji Brčko distrikta BiH, na određeno vrijeme;
(izvjestilac: Rade Mitrović)
7. Rang lista sa preporukom za izbor stručnog saradnika u Pravobranilaštvu Brčko distrikta BiH, na neodređeno vrijeme;
(izvjestilac: Rade Mitrović)
8. Verifikacija akta Pravosudne komisije Brčko distrikta BiH, broj: SuPK-00-764/26-I od 22. 6. 2026. godine, kojim se nominuju član i zamjenski član za učešće u radu Radne grupe za izradu nacrtu izmjena i dopuna Zakona o sprečavanju pranja novca i finansiranja terorističkih aktivnosti BiH;
(izvjestilac: Rade Mitrović)
9. Donošenje rješenja o upisu na listu stečajnih upravnika Miodraga Todorovića, diplomiranog ekonomiste;
(izvjestilac: Rade Mitrović)
10. Donošenje odluke o isplati naknade Disciplinskoj komisiji i zapisničaru za rad u mjesecu aprilu i maju 2026. godine;
(izvjestilac: Rade Mitrović)
11. Razno.

PRISUTNI SU:

1. SAFET PIZOVIĆ, predsjednik Komisije,
2. DAMJAN KAURINOVIĆ, predsjednik Apelacionog suda Brčko distrikta BiH,
3. DRAGAN TOMAŠ, predsjednik Osnovnog suda Brčko distrikta BiH,
4. DEJAN ĐUROVIĆ, pravobranilac Pravobranilaštva Brčko distrikta BiH,
5. MEHMED BEĆIĆ, član Komisije iz reda građana,
6. MILIVOJE VASIĆ član Komisije iz reda građana, putem telefonske veze,
7. IVAN LOVRIĆ, član Komisije iz reda građana.

Sjednica je počela u 08.37 sati.

Konstatuje se da sjednici lično prisustvuje sedam članova Komisije, da Milivoje Vasić, član Komisije iz reda građana, sjednici prisustvuje posredstvom telefonskog uključenja, dok su Mirsad Ćeman, sudija Ustavnog suda BiH i Vladimir Tepavčević, v.d. glavnog tužioca Tužilaštva Brčko distrikta BiH, opravdano odsutni. Sjednici prisustvuje i sekretar Komisije, Rade Mitrović.

Predsjednik Komisije otvara 281. redovnu sjednicu Pravosudne komisije s predloženim dnevnim redom, i predlaže da se dnevni red dopuni na način da se iza predložene tačke 10. doda nova tačka 11. koja glasi: „11. Donošenje odluke o isplati naknade zamjeniku disciplinskog tužioca za mjesec maj 2026. godine“ i tačka 12. koja glasi: „12. Donošenje odluke o isplati naknade zamjeniku disciplinskog tužioca za mjesec juni 2026. godine“.

Slijedom predloženih dopuna, numeracija tačaka se pomjera, tako da tačka Razno postaje tačka broj 13.

1. Usvajanje zapisnika sa 280. redovne sjednice Pravosudne komisije Brčko distrikta BiH

Konstatuje se da je zapisnik sa 280. redovne sjednice usvojen jednoglasno i bez primjedbi.

2. Odluka o davanju saglasnosti na Pravilnik o izmjenama i dopunama Pravilnika o unutrašnjoj organizaciji i poslovanju Kancelarije za pravnu pomoć Brčko distrikta BiH, broj: Ku-158/26 od 25. 6. 2026. godine

Nakon obrazloženja, Komisija je jednoglasno dala saglasnost na Pravilnik o izmjenama i dopunama Pravilnika o unutrašnjoj organizaciji i poslovanju Kancelarije za pravnu pomoć Brčko distrikta BiH, broj: Ku-158/26 od 25. 6. 2026. godine.

3. Donošenje odluke o imenovanju sudskih policajaca u Sudskoj policiji Brčko distrikta BiH, na neodređeno vrijeme, 4 (četiri) izvršioca

Nakon obrazloženja, Komisija je jednoglasno donijela

Odluku broj 1

Na radno mjesto „sudski policajac“ u Sudskoj policiji Brčko distrikta BiH, imenuje se Radojko Stanišić, sin Pere, iz Brčkog.

Imenovani je dužan stupiti na rad dana 13.07.2026. godine, a stupanjem na rad zasniva radni odnos na neodređeno vrijeme u Sudskoj policiji Brčko distrikta BiH.

Imenovanom se dodjeljuje čin narednik sudske policije u Sudskoj policiji Brčko distrikta BiH i utvrđuje osnovna mjesečna plata u iznosu od 1.681,94 KM (hiljadušeststotinaosamdesetjednakonvertibilnamarka i 94/100).

Odluku broj 2

Na radno mjesto „sudski policajac“ u Sudskoj policiji Brčko distrikta BiH, imenuje se Valentin Veseljak, sin Slobodanke, iz Brčkog.

Imenovani je dužan stupiti na rad dana 15.07.2026. godine, a stupanjem na rad zasniva radni odnos na neodređeno vrijeme u Sudskoj policiji Brčko distrikta BiH.

Imenovanom se dodjeljuje čin stariji sudski policajac u Sudskoj policiji Brčko distrikta BiH i utvrđuje osnovna mjesečna plata u iznosu od 1.642,98 KM (hiljadušeststotinačetredesetdvjekonvertibilnemarka i 98/100).

Odluku broj 3

Na radno mjesto „sudski policajac“ u Sudskoj policiji Brčko distrikta BiH, imenuje se Mario Katana, sin Zvonke, iz Brčkog.

Imenovani je dužan stupiti na rad dana 22.07.2026. godine, a stupanjem na rad zasniva radni odnos na neodređeno vrijeme u Sudskoj policiji Brčko distrikta BiH.

Imenovanom se dodjeljuje čin stariji sudski policajac u Sudskoj policiji Brčko distrikta BiH i utvrđuje osnovna mjesečna plata u iznosu od 1.642,98 KM (hiljadušeststotinačetredesetdvjekonvertibilnemarka i 98/100).

Odluku broj 4

Na radno mjesto „sudski policajac“ u Sudskoj policiji Brčko distrikta BiH, imenuje se Dino Jahić, sin Nafiza, iz Brčkog.

Imenovani je dužan stupiti na rad dana 13.07.2026. godine, a stupanjem na rad zasniva radni odnos na neodređeno vrijeme u Sudskoj policiji Brčko distrikta BiH.

Imenovanom se dodjeljuje čin stariji sudski policajac u Sudskoj policiji Brčko distrikta BiH i utvrđuje osnovna mjesečna plata u iznosu od 1.642,98 KM (hiljadušeststotinačetredesetdvjekonvertibilnemarka i 98/100).

4. Zaključivanje ugovora o obavljanju volonterskog rada u Osnovnom sudu Brčko distrikta BiH;

Nakon obrazloženja, Komisija jednoglasno zaključuje

Ugovor o volonterskom radu
na određeno vrijeme sa punim radnim vremenom

Na radno mjesto volontera u Osnovnom sudu Brčko distrikta BiH, prima se Sanja Arsenović, kći Ivana, iz Brčkog.

Imenovana se prima na određeno vrijeme, počev od 06.07.2026 godine pa do 06.07.2028. godine, odnosno do ispunjavanja uslova za polaganje pravosudnog ispita, a najdalje do dvije godine.

5. Donošenje rješenja o prestanku radnog odnosa Gordani Janković, operateru - referentu zemljišno - knjižnih - poslova u Osnovnom sudu Brčko distrikta BiH;

Nakon obrazloženja, Komisija jednoglasno donosi sljedeće

Rješenje

Gordani Janković, operateru-referentu zemljišnoknjižnih poslova u Osnovnom sudu Brčko distrikta BiH, prestaje radni odnos u Osnovnom sudu Brčko distrikta BiH, zaključno sa 21.08.2026. godine, radi odlaska u starosnu penziju.

6. Rang lista sa preporukom za izbor stručnog saradnika u Pravosudnoj komisiji Brčko distrikta BiH, na određeno vrijeme

Konstatuje se da je Pravosudna komisija jednoglasno potvrdila Rang listu sa preporukom za izbor stručnog saradnika u Pravosudnoj komisiji Brčko distrikta BiH, na određeno vrijeme, do povratka odsutnog službenika, ali ne duže od dvije godine, u kojoj je Jelena Milovanović, Srbin, prvorangirani kandidat, sa zbirnom ocjenom 276.

7. Rang lista sa preporukom za izbor stručnog saradnika u Pravobranilaštvu Brčko distrikta BiH, na neodređeno vrijeme;

Konstatuje se da je Pravosudna komisija jednoglasno izabrala kandidata Anu Veselčić, Hrvat, za stručnog saradnika u Pravobranilaštvu Brčko distrikta BiH, sa zbirnom ocjenom 267, a u skladu sa Odredbom člana 38. stav (3) Zakona o službenicima i namještenicima u pravosuđu Brčko distrikta BiH.

8. Verifikacija akta Pravosudne komisije Brčko distrikta BiH, broj: SuPK-00-764/26-I od 22. 6. 2026. godine, kojim se nominuju član i zamjenski član za učešće u radu Radne grupe za izradu nacrtu izmjena i dopuna Zakona o sprečavanju pranja novca i finansiranja terorističkih aktivnosti BiH;

Nakon obrazloženja, Komisija je jednoglasno verifikovala akt Pravosudne komisije Brčko distrikta BiH, broj: SuPK-00-764/26-I od 22. 6. 2026. godine, kojim se nominuju član i zamjenski član za učešće u radu Radne grupe za izradu nacrtu izmjena i dopuna Zakona o sprečavanju pranja novca i finansiranja terorističkih aktivnosti BiH.

9. Donošenje rješenja o upisu na listu stečajnih upravnika Miodraga Todorovića, diplomiranog ekonomiste;

Nakon obrazloženja, Komisija je jednoglasno donijela sljedeće

Rješenje

I Miodrag Todorović iz Brčkog, upisuje se na Listu stečajnih upravnika koju vodi Pravosudna komisija Brčko distrikta BiH.

II Nalaže se Stručnoj službi Pravosudne komisije Brčko distrikta BiH da imenovanog uvrsti na Listu stečajnih upravnika.

10. Donošenje odluke o isplati naknade Disciplinskoj komisiji i zapisničaru za rad u mjesecu aprilu i maju 2026. godine;

Nakon obrazloženja, Komisija je jednoglasno donijela

O D L U K U

o isplati naknade Disciplinskoj komisiji za provođenje disciplinskih postupaka protiv službenika i namještenika u pravosuđu Brčko distrikta BiH za mjesec april 2026. godine.

Nalaže se finansijskoj službi Pravosudne komisije da iz sredstava osiguranih u Budžetu Brčko distrikta BiH na organizacionom kodu 12010001 Pravosudne komisije, ekonomski kod 611200 - Naknade troškova zaposlenih, izvrši isplatu naknade za rad:

- Jasminu Suljiću, predsjedniku Disciplinske komisije, iznos od 207,28 KM, za rad u aprilu mjesecu 2026. godine,
- Sanji Ilić Čerkezović, članu Disciplinske komisije, iznos od 207,28 KM, za rad u aprilu mjesecu 2026. godine,
- Dejanu Nišiću, članu Disciplinske komisije, iznos od 207,28 KM, za rad u aprilu mjesecu 2026. godine.

i

O D L U K U

o isplati naknade Disciplinskoj komisiji za provođenje disciplinskih postupaka protiv službenika i namještenika u pravosuđu Brčko distrikta BiH za mjesec maj 2026. godine.

Nalaže se finansijskoj službi Pravosudne komisije da iz sredstava osiguranih u Budžetu Brčko distrikta BiH na organizacionom kodu 12010001 Pravosudne komisije, ekonomski kod 611200 - Naknade troškova zaposlenih, izvrši isplatu naknade za rad:

- Jasminu Suljiću, predsjedniku Disciplinske komisije, iznos od 621,83 KM, za rad u maju mjesecu 2026. godine;
- Sanji Ilić Čerkezović, članu Disciplinske komisije, iznos od 621,83 KM, za rad u maju mjesecu 2026. godine;
- Dejanu Nišiću, članu Disciplinske komisije, iznos od 621,83 KM, za rad u maju mjesecu 2026. godine;
- Jeleni Milovanović, zapisničaru Disciplinske komisije, iznos od 207,28 KM, za rad u maju mjesecu 2026. godine.

11. Donošenje odluke o isplati naknade zamjeniku disciplinskog tužioca za mjesec maj 2026. godine

Nakon obrazloženja, Komisija je jednoglasno donijela

Odluku

o isplati naknade zamjenici disciplinskog tužioca za mjesec maj 2026. godine

Nalaže se finansijskoj službi Pravosudne komisije da iz sredstava osiguranih u Budžetu Brčko distrikta BiH na organizacionom kodu 12010001 Pravosudne komisije, izvrši isplatu naknade za rad Mireli Adžajlić Hodžić, zamjenici disciplinskog tužioca, za rad u mjesecu maju 2026. godine u iznosu od 829,11 KM (slovima: osamstotinadvadesetdevetkonvertibilnihmaraka i 11/100).

12. Donošenje odluke o isplati naknade zamjeniku disciplinskog tužioca za mjesec juni 2026. godine

Nakon obrazloženja, Komisija je jednoglasno donijela

Odluku

o isplati naknade zamjenici disciplinskog tužioca za mjesec juni 2026. godine

Nalaže se finansijskoj službi Pravosudne komisije da iz sredstava osiguranih u Budžetu Brčko distrikta BiH na organizacionom kodu 12010001 Pravosudne komisije, izvrši isplatu naknade za rad Mireli Adžajlić Hodžić, zamjenici disciplinskog tužioca, za rad u mjesecu junu 2026. godine u iznosu 829,11 KM (slovima: osamstotinadvadesetdevetkonvertibilnihmaraka i 11/100).

13. Razno

Sekretar Pravosudne komisije Brčko distrikta BiH, informisao je članove Komisije o aktivnostima koje su preduzete u vezi s problematikom smještaja pritvorenika i zatvorenika, kojima je sud Brčko distrikta odredio pritvor, odnosno izrekao kaznu zatvora, a što je u prethodnom periodu više puta bilo predmet razmatranja na sjednicama Pravosudne komisije.

Vezano za navedeno, istakao je da je Stručna služba Pravosudne komisije, Ministarstvu pravde Republike Srpske, do sada, uputila dva e-maila i jedan dopis, te da je ostvaren kontakt s pomoćnikom ministra pravde Republike Srpske za opšte poslove i šefom Kabineta ministra pravde Republike Srpske. Tom prilikom, iz Kabineta ministra saopšteno je da će u skorije vrijeme biti zakazan sastanak s predstavnicima pravosuđa Brčko distrikta BiH na kojem će biti razmatrano navedeno pitanje.

Nakon izlaganja sekretara, Pravosudna komisija primila je informaciju k znanju.

Kako se niko više nije javio za riječ, konstatuje se da je 281. redovna sjednica Komisije završena u 9.10 sati.

Zapisnik vodila
Sanja Ilić Čerkezović

Predsjednik
Pravosudne komisije

Safet Pizović